

Invitazion

PLEIV TUJETSCH

en saur parochia d'Alvèz e Sersun

Tractanda

1. Avertura e balmejn
2. Eleccion dis gumbretsch
3. Approbaziun di protocol della redunanza generala dils 24.08.2020
4. Approbaziun di rapport di passaziun dalla Pleiv



parochia d'Alvèz e Sersun

Rapport annual 2020

Il presider
Arthur Caduff

Il vicepresider
Dario Tior

Invitaziun

alla radunonza generala ordinaria dalla Pleiv Tujetsch
gliendisdis, ils 7 da zercladur 2021 allas 20:00 uras
en sala plurivalenta Dulezi a Sedrun

Tractandas

1. Avertura e beinvegni
2. Elecziun dils dumbravuschs
3. Approbaziun dil protocol dalla radunonza generala dils 24.08.2020
4. Approbaziun dil rapport dil president dalla Pleiv
5. Approbaziun dil rapport dalla presidenta dil cussegl pastoral
6. Rendaquen, rapport dils revisurs ed approbaziun dil quen 2020
7. Approbaziun dil preventiv 2021
8. Fixar il pei da taglia 2021
9. Damonda pil credit e l'execuziun dallas suandontas lavurs:
 - Isolaziun e sanaziun dils tetgs dallas casas pervenda Sedrun (Spinatscha) e Rueras, tut tenor basegns
 - Cundrez per tener la neiv sin tetg baselgia s.Vigeli muort schurmetg dils mirs
10. Elecziuns:
 - a) Cassier
 - b) Actuar/vicepresident
 - c) Delegau dil Corpus catholicum
 - d) Reelecziun da sur Mathew sco plevon administratur
11. Varia

La suprastonza dalla Pleiv Tujetsch envida tuttas parochianas e tuts parochians alla radunonza generala dalla pleiv. Ei legrass nus zun fetg d'astgar beneventar in grond diember a quella radunonza.

Il president
Arthur Caduff

Il vicepresident
David Tuor

Protocol

**Radunonza generala ordinaria dalla Pleiv Tujetsch, ils 24 d'ost 2020
allas 20.00 uras ell'aula dalla casa da scola Sedrun**

Presents: 29 personas

Perstgisas: Roswitha Monn, Richard Cavegn

Tractandas

1. Avertura e beinvegni
2. Elecziun dils dumbravuschs
3. Approbaziun dil protocol dalla radunonza generala dils 17-06-2019
4. Approbaziun dil rapport dil president dalla pleiv
5. Approbaziun dil rapport presidial dil cussegl pastoral
6. Rendaquen, rapport dils revisurs ed approbaziun dil quen 2019
7. Approbaziun dil preventiv 2020
8. Fixar il pei da taglia 2020
9. Elecziun da sur Mathew sco plevon administratur
10. Varia

1. Avertura e beinvegni

Il president Arthur Caduff beneventa cordialmein tuts presents alla radunonza generala ordinaria dalla Pleiv Tujetsch. In special beinvegni admetta il president a sur Mathew.

El temps da Corona eis ei stau ina sfida da festivar las messas. Sur Mathew ha denton fatg buna lavur ellas pleivs Tujetsch e Medel. Cun agid da Tarcisi Hendry che ha publicau las messas egl internet han prest tuts saviu mirar las messas da casa anora. In grond engraziament a Tarcisi. Ed era allas cantaduras ed als cantadurs che han embelliu las messas durent quei temps in grond Dieus paghi.

Il rapport annual ei vegnius tarmess tier en tuttas casadas dalla Val Tujetsch. Aschia han tuts saviu prender investa dallas tractandas. Negin vul amplificar ni midar la gliesta da tractandas.

2. Elecziun dils dumbravuschs

Sco dumbravuschs vegn Beni Hendry elegius unanimamein.

3. Approbaziun dil protocol dalla radunonza generala dils 17-06-2019

Il protocol dalla radunonza generala dils 17-06-2019 ch'ei vegnius publicaus el rapport annual dalla Pleiv Tujetsch vegn approbaus unanimamein. Il president Arthur engrazia per la redacziun dil protocol.

4. Approbaziun dil rapport dil president dalla pleiv

Era il rapport dil president dalla pleiv Arthur Caduff ei vegnius publicaus el rapport annual. Quei rapport vegn medemamein approbaus unanimamein cun in ferm applaus.

5. Approbaziun dil rapport presidial dil cussegl pastoral

Il rapport presidial d'Imelda Monn e Lucia Giossi ei medemamein vegnius publicaus el rapport annual e vegn era approbaus unanimamein.

Il president dalla pleiv Arthur engrazia a Lucia ed Imelda per lur fetg buna lavur en favur dalla pleiv. In engraziament admetta el vinavon a tuts commembers dil cussegl pastoral per lur impurtont engaschi sur igl entir onn ora.

6. Rendaquen, rapport dils revisurs ed approbaziun dil quen 2019

Il quen 2019 ei vegnius publicaus el rapport annual dalla Pleiv Tujetsch. Nies cassier Simeon Cavegn declara minuziusamein co ei stat cun las finanzas.

entradas	frs.	421'360.61
expensas	frs.	- 403'977.66
fatg anavon	frs.	<u>17'382.95</u>

Il president Arthur engrazia al cassier per la buna lavur e las informaziuns detagliadas.

Ils 25 d'avrel 2020 han ils dus revisurs Linus Vincenz ed Emil Soliva priu investa dil quen 2019. Sco usitau ei il quen vegnius menaus conform alla contabilitad moderna. Ils revisurs han inspectau il quen e la bilanza 2019

sco era ils quens dallas baselgias e capluttas. Tuts mussaments ein avon maun e corrispundan alla cudischaziun. Il revisur Emil Soliva propona d'approbar ils quens sco era la bilanza 2019, dar scarica al cassier ed exprimer in meritau engraziament alla suprastonza per la buna lavur. Negin tschenta damondas ni exprima giavischs. Aschia vegnan ils quens e la bilanza 2019 approvai unanimamein.

Il president Arthur engrazia grondamein als revisurs Emil e Linus per lur buna lavur en favur dalla pleiv Tujetsch.

7. Approbaziun dil preventiv 2020

Il cassier Simeon lai repassar il preventiv per igl onn 2020. Simeon informescha cuort las posiziuns impurtontas. Ils presents approbeschan il preventiv unanimamein.

8. Fixar il pei da taglia 2020

La suprastonza dalla pleiv propona ch'il pei da taglia 2020 resti sin quendischa procent. Las parochianas ed ils parochians approbeschan la proposta dalla suprastonza unanimamein.

9. Elecziun da sur Mathew sco plevon administratur

Tenor il consentiment digl uestgiu da Cuera e digl uestgiu dall'India astga la pleiv Tujetsch eleger sur Mathew per in ulteriur onn sco plevon administratur. Tuts presents ein units ed elegian sur Mathew unanimamein cun in ferm applaus. Il plevon engrazia a tuts per la confidanza demussada. Tenor el astga il pievel Tuatschin quintar cun el ils proxims onns. El sesenta fetg bein en nies miez.

10. Varia

Nies president Arthur ha las suandontas comunicaziuns:

- Norbert Berther ha abdicau siu uffeci sco cassier dil cussegl pastoral suenter sis onns. Sco successura ha la suprastonza dil cussegl pastoral elegiu Maria Barla Riedi ch'ei gia dapi quendischa onns commembra dil cussegl. En num dalla suprastonza dalla pleiv engrazia il president Arthur fetg a Norbert per sia buna lavur prestada e giavischa a Maria Barla in bien maun sco nova cassiera.

- Ursula Deplazes ha abdicau sco calustra substituta dalla baselgia s. Vigeli suenter 35 onns. Arthur engrazia zun fetg ad ella per sias stentas en favur dalla pleiv duront quei liung temps.
- A caschun dil gentar dil personal dalla pleiv vegn allura surdau in pign present ad els dus.
- Rita Berther giavischa ch'ei vegn informau ad uras las famiglias sesentas ella bassa cu la messa dil trentavel hagi liug. Il pli sempel fuss sche sur Mathew informescha las famiglias il di da sepultura. La secretaria Rosvita mira co ei mass il meglier d'informar ils parents.
- Negin dils presents giavischa pli il plaid ed aschia siara il president Arthur la radunonza generala allas 20.45 uras. El engrazia a tuts per la participaziun e giavischa in bien retuorn a casa.

Igl actuar:
David Tuor

Il president:
Arthur Caduff



Meters neiv ruschnada dil tetg baselgia che donnegiescha ils mirs.

Rapport annual 2020

Caras parochianas e cars parochians

Era uonn astgel jeu puspei presentar il rapport annual a Vus. Sco usitau fetsch jeu ina cuorta retrospectiva digl onn vargau.

Igl onn 2020 ei stau in onn tut special, buca mo per la Pleiv Tujetsch, mobein per igl entir mund. Il virus da Corona ha midau nies mintgadi. Era la baselgia ha pituu da quei virus. Naven dils 14 da mars tochen ils 28 da matg han negins parochians astgau ir a messa. In grond engraziament a Tarcisi Hendry che ha priu si differentas messas celebradas da nies plevon sur Mathew senza parochians e mess ils videos silla pagina d'internet dalla Pleiv Tujetsch. Aschia ha tut tgi che ha vuliu festivar las messas a casa giu la pusseivladad da far quei. Lein sperar che quei hagi buca dau disa da buca pli ir en baselgia.

Naven dils 29 da matg havein nus allura puspei astgau celebrar las sontgas messas en baselgia, quei secapescha cun reducir il diember da parochians e cun observar las prescripziuns da Corona.

Cheu suondan entgins cavazzins davart las diversas lavurs ch'ei vegnidas liquidadas:

- differentas lavurs da sanaziun ella casa pervenda Spinatscha a Sedrun, midau ora ils plantschius dalla stiva e dallas combras
- migliurar ils mirs dalla vart sut e dall'entrada dalla caplutta s. Onna a Camischolas
- trer grad la crusch dil clutger dalla baselgia s. Giachen a Rueras, stau in'acziun tut speciala cun ina tschaghegna dalla firma Caduff da Tavanasa





Acziun speciala per trer grad la cursch dalla baselgia s. Giachen a Rueras.

Plevon

Sur Mathew Charthakuzhiyil ei vegnius reelegius sco plevon administratur dalla Pleiv Tujetsch a caschun dalla radunonza generala dils 24 d'uost 2020. Sco sur Mathew ha detg sesenti el bein ella Val Tujetsch ed jeu less dir ch'il romontsch sco era il tudestg vegnan megliers e megliers. In grond Dieus paghi a sur Mathew per siu engaschi en favur dalla Pleiv Tujetsch.

In grond Dieus paghi era als plevons pensiunai sur Giusep Venzin e sur Alexi Manetsch sco era al convent dalla claustra da Mustér. Els segidan adina puspei cun nus.

Medemamein in grond Dieus paghi alla gruppa liturgica (Hubert Venzin, Imelda Monn, Ursula Deplazes, Marcus Munsch e Marcel Soliva) per ils bials survetschs divins dil plaid.

Naschientschas e mortoris

Igl onn 2020 havein nus giu otg battens en nossa pleiv. Tschun affons han retschiert l'emprema sontga Communiun e schotg giuvenils han survegniu la sontga Creisma. A nossas famiglias giavischein nus ventira e benedicziun. Era ina nozza havein nus giu ella Pleiv Tujetsch. Igl onn 2020 havein nus giu endisch mortoris. Nossas defunctas e nos defuncts ruaussien en pasch.

Suprastonza e secretariat

Cheu vi jeu prender la caschun d'engraziar a mes dus consuprastonts David Tuor e Simeon Cavegn. Nus havein giu bunas radunonzas cun constructivas discussiuns.

In cordial engraziament admittel jeu era a nossa secretaria Rosvita Loretz ch'ademplescha sia lavur cunscienzusamein.

Calustras e calusters

In grond Dieus paghi a nossas premuradas calustras e nos premurai calusters per lur engaschi en favur dalla pleiv. Els adempleschan lur lavur onn per onn per nossa cumpleina cuntentientscha. In special engraziament als calusters da Sedrun Sep Andriu Monn e sia consorta Marianna ed alla calustra da Rueras Imelda Monn.

Gion Giachen Monn ha gia giu visau sia piazza sco caluster da Selva avon dus onns. Malgrad tut nossas stentas havein nus deplorablamein

aunc adina buc anflau in caluster per la baselgia da Selva. Gion Giachen ei legrevlamein sedeclaraus promts da segidar cun la pleiv. In engraziel fetg ad el persuerter.

Sil davos da december 2020 ha nossa fideivla vice-calustra Ursula Deplazes visau sia piazza. 35 onns eis ella stada engaschada sco calustra e vice-calustra dalla baselgia s. Vigeli. In grond engraziel ad ella per siu engaschi en favur dalla pleiv.

Cussegl pastoral

Allas duas co-presidentas Lucia Giossi ed Imelda Monn cun tut las commembras ed ils commembers dil cussegl pastoral engraziel jeu grondamein per lur buna lavur prestada en favur dalla Pleiv Tujetsch.

Chors baselgia, organistas/organist e societad da musica

Jeu admittel in grond engraziament al chor baselgia da Sedrun cun il dirigent ed organist Claudio Simonet e cun il vice-dirigent Benedetg Hendry per lur breigias. Era al chor mischedau da Rueras cun il dirigent Tarcisi Hendry in grond engraziament per lur fastedis. Allas duas organistas Erika Steinacher e Jacinta Jacomet engraziel jeu fetg per il bi accumpignament duront las sontgas messas. Alla societad da musica Sedrun cun il dirigent Lucas Decurtins medemamein in sincer engraziel. Buc emblidar d'engraziar vi jeu al chor da sepultura cun ils dus dirigents Benedetg Hendry e Tarcisi Hendry per il cant commuentond a caschun dallas sepulturas. Pervia dil virus da Corona havein nus uonn deplorablamein stuiu desister da biaras fiastas dalla baselgia. Aschia havein nus era buca saviu tedlar las vuschs dils chors ed ils tuns dalla musica. Cu igl ei vegniu lubiu da cantar en baselgia, ha il chor baselgia tuttina cantau entginas messas en ina gruppa pintga.



Muort sia vesida ha noss'organista Erika Steinacher stuiu visar siu uffeci sco organista suenter esser stada engaschada duront 31 onns tier la Pleiv Tujetsch. Ad ella in engraziel fetg per siu engaschi. Jacinta Jacomet ha buca vuliu surpender supplementarmein il pensum dall'Erika. Claudio Simonet perencunter ei staus prompts da surpender igl entir pensum sco organist dalla Pleiv Tujetsch. Per quei motiv ha la suprastonza visau alla Jacinta siu uffeci silla fin digl onn 2020. Era ad ella in engraziel fetg per siu engaschi. Claudio vegn ad entscheiver siu pensum d'organist igl eprem da schaner 2021.

Ductrina

Alla fideivla catecheta Ursulina Cavegn ed al fideivel catechet Hubert Venzin in grond Dieu paghi. Els instrueschan cun gronda premura las lecziuns da religiun a tut las scolaras ed ils scolars naven dall'emprema tochen la sisavla classa primara dalla Val Tujetsch. Ultra da quei han Ursulina e Hubert surpriu ils projects da religiun dil scalem superieur.

Gidonters e voluntaris

All'uniun da dunnas seigi engraziau da cor per siu sustegn. Buca traschar d'engraziar vi jeu allas dunnas ed als umens che schubregian mintg'onn puspei la baselgia da s. Vigeli a Sedrun, la baselgia da s. Giachen a Rueras e la baselgia da s. Gion e Paul a Selva. In Dieu paghi per lur bunaveglia.

A tuttas ed a tuts che segidan adina puspei voluntarmein cun surpender in ni l'auter post en favur dalla Pleiv Tujetsch admittel jeu in grond engraziament. Ozildi secapescha ei buca da sesez ch'ei vegn impundiu temps per il generalesser. Aschia envida la Pleiv Tujetsch tut ils ufficials, gidonters e voluntaris ina gada per onn ad in mudest gentar sco engraziament per lur lavur prestada. Muort il virus da Corona havein nus uonn deplorablamein buca saviu far quella sentupada.

Ussa resta ei a mi mo pli da giavischar a tut las parochianas e tut ils parochians buna sanadad e bia cuntentientscha.

Il president *Arthur Caduff*

Rapport annual dil cussegl pastoral 2020

Preziadas parochianas e prezias parochians,
Sco mintg'onn lein nus dil cussegl pastoral presentar a vus il rapport dil curriu e passau igl onn ora.

Il pensum dil cussegl pastoral serepeta onn per onn, aschia era il rapport annual.

Program da lavur 2020

Survetsch divin dalla plonta

Ils scolars dalla quarta classa han embelliu il survetsch divin dalla plonta. Per mintga parochian/A che ha bandunau nus duront igl onn ora han ils scolars envidau ina candeila sco era pendiu in feagl vid la plonta en memoria dil defunct. Quella plonta sesanfla davontier en baselgia sper igl altar dretg. Muort corona ha la devoziun giu liug sin santeri. Nos cars defuncts ruaussien en pasch.

Uncziun dils malsauns

Muort corona ha l'uncziun dils malsauns buca giu liug.

Sontgaclau en baselgia

Muort corona ha la messa da Sontgaclau per ils affons buca giu liug.

Rorate

Ils 8 ed ils 10 da december 2020 ein entgins carschi seradunai en baselgia a Rueras ed a Sedrun per festivar ina devoziun da Rorate. Suenten la devoziun vein nus muort corona buca astgau porscher in solver.

Era las devoziuns da Rorate ensemen cun ils scolars e las scolaras e cun nos catechets han muort corona buca saviu vegni organisadas.

S. Retgs

Igl onn 2021 havein nus muort corona giu negina viseta dils S.Retgs. Nus sperein che nus saveien puspei visitar las casadas igl onn proxim.

Apéritivs

Ils apéritivs durent las differentas occasiuns, fiastas e messas havein nus buca saviu organisar. La situaziun momentana da pandemia ha buca lubiu quei.

Plaid final

Sco finiziun da nies rapport lein nus engraziar grondamein a tut quels che s'engaschan per il beinstar da nossa pleiv e nossa baselgia.

In cordial engraziament a sur Mathew Charthakuzhiyil per sia lavur e siu engaschi en favur da nossa pleiv.

Als commembers dil cussegl pastoral, alla suprastonza dalla pleiv, als caluster/As, als catechets, als lecturs, alla gruppa liturgica, als organists ed a tuts gidonters in cauld engraziament per lur lavur.

A tuts in grond Dieus paghi.

Rueras, avrel 2021

Per il cussegl pastoral
Imelda Monn e Lucia Giossi



S. messa da Nadal culs affons dall'emprema e secunda classa.

Bilanza per ils 31-12-2020

Activas	Onn current	Onn precedent
Facultad currenta		
Conto Banca Raiffeisen	13'939.90	13'596.40
Dabien taglia da cult	242'605.50	248'696.75
Dabien taglia anticipada	8.40	4.20
Debiturs	0.00	0.00
Activas transitoricas	0.00	0.00
Vaglias: Conto da spargn BRC	190'112.16	189'927.22
Commembradi Raiffeisen	200.00	200.00
Conto da spargn «camp ministrants»	3'878.36	3'876.42
Pretensiuns d'emprests	7'300.00	13'300.00
Facultad piazzada		
Casa pervenda Sedrun	280'000.00	284'000.00
Casa pervenda veglia Sedrun	126'000.00	128'000.00
Casa pervenda Rueras	102'000.00	104'000.00
Casa pervenda Selva	131'000.00	133'000.00
Baghetg Selva	17'000.00	18'000.00
Faner Rueras	1.00	1'000.00
Prau agricol	3'000.00	4'000.00
Total activas	1'117'045.32	1'141'600.99
Passivas		
Capital jester		
Crediturs	1'430.00	3'858.75
Creditur «Taglia Fontauna»	0.00	2'743.75
Deivet hipotecar	120'000.00	120'000.00
Deivet baselgia s. Vigeli	0.00	20'000.00
Passivas transitoricas	0.00	0.00
Agen capital e reservas		
Capital agen	939'998.49	922'615.54
Reservas manteniment baghetgs e baselgias	55'000.00	55'000.00
Gudogn/Sperdita digl onn	616.83	17'382.95
Total passivas	1'117'045.32	1'141'600.99

Quen annual 2020

	Onn current	Onn precedent
1. Entradas		
1.1 Taglias		
Taglia da cult	254'294.70	267'552.00
Taglia alla fontauna	18'078.60	21'005.55
1.2 Tscheins		
Tscheins casas	54'540.00	47'340.00
Tscheins activs	198.88	167.71
Tscheins da praus e terren	4'055.40	4'055.40
1.3 Contribuziuns		
Contribuziun caluster	1'500.00	1'500.00
Contribuziun ductrina	3'000.00	3'000.00
Contribuziun finanziaria baselgia GR	77'001.00	70'679.00
1.4 Diversas		
Bunamanas sontget Gadius	610.45	364.05
Diversas entradas	599.60	5'696.90
Total entradas	413'878.63	421'360.61
2. Expensas		
2.1 Cuosts da personal/instanzas		
Pagas (incl. gratificaziuns)	180'377.50	129'620.70
Pagas e cuosts funcziunaris	13'955.00	14'770.00
Pagas plevons gidonters	566.00	8'300.00
Lavur da giuventetgna CADI	10'233.75	10'233.75
Cussegl pastoral	2'785.00	2'750.00
Cuors da perfecziun	1'586.80	1'395.30
Indemnisaziun organists	10'939.40	8'244.20
Honoraziuns e regals da personal	550.00	729.40
Ulteriurs cuosts da personal	2'316.70	4'728.55

2.2 Cuosts socials

Cassa da cumpensaziun AVS	10'973.35	7'105.10
Cassa da pensiun	8'327.00	4'500.95
Cassa da malsauens ed accidents	1'122.35	1'052.65
Acquisiziun da personal	0.00	1'468.00
Indemisaziun da spesas	100.00	100.00
Sedutas / protocols	2'850.00	3'655.00

2.3 Cuosts immobilias ed indrezs

Manteniment casas	18'984.15	55'523.75
Manteniment baghetgs	0.00	513.35
Manteniment indrezs	1'539.15	1'779.65
Manteniment e cuosts dad orglas	0.00	0.00
Manteniment baselgias/capluttas	10'197.98	21'421.96
Lavurs da conturon	2'300.65	3'132.23

2.4 Cuosts da vehichels e transport

Bonificaziun auto plevon	3'600.00	1'800.00
Cuosts da viadi dil personal/excursiuns	156.80	704.80

2.5 Segiradas, contribuziuns, taxas

Premias da segiradas	3'277.70	3'234.15
Contribuziuns e taxas	1'588.00	1'628.00
Provisiun incasso taglia	7'956.70	8'902.05

2.6 Cuosts d'energia

Jeli/electricitad/aua	4'109.50	6'972.20
Serenera/canalizaziun/miardas	3'949.00	3'945.25

2.7 Cuosts d'administraziun

Material da biro, eed	385.27	4'534.30
Gasettas, lectura e.a.v.	1'078.50	757.00
Telefon, internet	1'552.60	1'381.80
Francaturas, portos	550.00	335.00
Uorden per dar ductrina	1'085.10	1'448.20
Contribuziuns, donaziuns	56'376.35	52'781.60
Ulivaziun sperditas	25'000.00	10'000.00
Cuosts ministrants	0.00	207.00

2.8 Stampats e material da reclama		
Publicaziuns/inserats	4'949.80	4'126.30
Embelliments	387.90	269.25
2.9 Diversas		
Diversas expensas	426.32	696.60
Consumaziuns radunonzas e sesidas	141.00	187.00
3.0 Cuosts finansials		
Tscheins bancars	0.00	0.00
Tscheins hipotecars	2'280.00	2'280.00
Spesas bancaras	36.48	91.62
3.1 Taglias		
Taglia sin schischom	1'671.00	1'671.00
3.2 Deducziuns/retenziuns		
Deducziuns sin immobilias	12'999.00	15'000.00
Totas expensas	413'261.80	403'977.66
Cumparegliazium		
Total entradas	413'878.63	421'360.61
Total expensas	-413'261.80	-403'977.66
Fatg anavon/anavos	616.83	17'382.95

Preventiv 2021

Expensas

Cuosts da personal/instanzas

Pagas (incl. gratificaziuns)	180'377.50	183'000.00
Pagas e cuosts funcziunaris	13'955.00	14'000.00
Pagas plevons gidonters	566.00	1'000.00
Lavur da giuventetgna CADI	10'233.75	10'300.00
Cussegl pastoral	2'785.00	2'800.00
Cuors da perfecziun	1'586.80	2'000.00
Indemnisaziun organists	10'939.40	15'000.00
Honoraziuns e regals da personal	550.00	1'000.00
Ulteriurs cuosts da personal	2'316.70	4'500.00

Cuosts socials

Cassa da cumpensaziun AVS	10'973.35	11'100.00
Cassa da pensiun	8'327.00	8'500.00
Cassa da malsauns ed accidents	1'122.35	1'400.00
Indemnisaziun da spensas	100.00	200.00
Sedutas/protocols	2'850.00	3'000.00

Cuosts casas/baghetgs ed indrezs

Manteniment casas	18'984.15	20'000.00
Manteniment baghetgs	0.00	1'000.00
Manteniment indrezs	1'539.15	2'000.00
Manteniment e cuosts dad orglas	0.00	500.00
Manteniment baselgias/capluttas	10'197.98	10'000.00
Lavurs da conturon	2'300.65	3'000.00
Jeli/electricitad/aua	4'109.50	5'000.00
Serenera/canalisaziun/miardas	3'949.00	4'000.00

Cuosts generals

Tscheins e spensas da banca	2'316.48	2'400.00
Taglias	1'671.00	1'700.00
Segiradas	3'277.70	3'300.00
Auto, garascha	3'600.00	3'600.00
Cuosts da viadi personal/excursiuns	156.80	2'200.00
Contribuziuns e taxas	1'588.00	1'800.00
Donaziuns	56'376.35	10'000.00

Ulivaziuns sperditas	25'000.00	5'000.00
Cuosts ministrants	0.00	300.00
Incasso taglia	7'956.70	9'000.00
Uorden per dar ductrina	1'085.10	1'500.00
Stampats/inserats	6'028.30	6'000.00
Material da biro, eed	385.27	1'000.00
Portos, telefon, internet	2'102.60	2'200.00
Consum. radun. e sesidas	141.00	200.00
Embelliments	387.90	500.00
Ulteriurs cuosts generals	426.32	500.00
Deducziuns	12'999.00	13'000.00
Total expensas	413'261.80	367'500.00
Entradas		
Taglias		
Taglia da cult	254'294.70	245'000.00
Taglia alla fontauna	18'078.60	16'000.00
Tscheins		
Tscheins casas	54'540.00	54'500.00
Tscheins activs	198.88	200.00
Tscheins da praus e terren	4'055.40	4'000.00
Contribuziuns		
Contribuziun caluster	1'500.00	1'500.00
Contribuziun ductrina	3'000.00	3'000.00
Contribuziun finanziaria baselgia GR	77'001.00	50'000.00
Diversas		
Bunamanas sontget Gadius	610.45	300.00
Diversas entradas	599.60	100.00
Total entradas	413'878.63	374'600.00
Cumparegliaziun		
Total entradas	413'878.63	374'600.00
Total expensas	413'261.80	367'500.00
Gudogn/Sperdita	616.83	7'100.00

Revista dil quen dalla baselgia s. Vigeli

Entradas	Onn current	Onn precedent
Unfrendas ordinarias	3'107.75	8589.35
Glischettas	4'711.50	3'840.70
Cassa s. Antoni	3'716.90	3'688.09
VT/restit. cuosts comunabels	3'914.60	2'259.80
Tscheins bruts	746.23	569.34
Susteniment Pleiv	5'000.00	0.00
Restituziun messas fundadas	4'000.00	8'000.00
Renovaziun s. Vigeli	54'976.35	75'000.00
Diversas entradas	0.00	0.00
Total entradas	80'173.33	101'947.28
Expensas		
Unfrendas/collectas	1'880.00	3'050.00
Segiradas/taxas	7'256.30	7'240.60
Energia	13'706.50	9'854.65
Stipendis messas fundadas	1'600.00	1'480.00
Embelliments/candeilas	1'059.84	1'350.00
Vins da messas/hostias	252.60	603.40
Manteniments/REP/schubergiar	1'042.55	4'181.26
Portos/spesas/cummissiuns bancaras	24.85	15.20
Total expensas	26'822.64	27'775.11
Surpli entradas/expensas	53'350.69	74'172.17

Revista dil quen dalla baselgia s. Giachen

Entradas	Onn current	Onn precedent
Unfrendas ordinarias	1'744.75	3'596.85
Glischettas	2'092.90	1'755.05
Bunamanas/legats	200.00	350.00
Susteniment Pleiv	5'000.00	2'000.00
VT/restit. cuosts communabels	1'284.05	550.05
Tscheins bruts	36.80	39.71
Restituziun messas fundadas	4'000.00	7'000.00
Diversas entradas	0.00	0.00
Total entradas	14'358.50	15'291.66
Expensas		
Segiradas/taxas	2'683.15	2'678.50
Energia	3'330.35	5'205.55
Stipendis messas fundadas	870.00	890.00
Embelliments/candeilas	782.88	1'142.55
Vins da messas/hostias	99.65	154.15
Manteniments/REP/schubergiar	1'700.10	1'514.45
Tscheins/spesas bancaras	13.70	13.07
Total expensas	9'479.83	11'598.27
Surpli entradas/expensas	4'878.67	3'693.39

Facultad baselgias e capluttas

		Onn current	Onn precedent
Sedrun: Baselgia s. Vigeli	Facultad	1'437'944.66	1'384'704.20
Ugau e caluster:	Deivet	0.00	-540'000.00
Monn Sep Andriu e Marianna	Fondo messas fundadas	144'960.00	146'960.00
Rueras: Baselgia s. Giachen	Facultad	10'877.08	5'951.01
Ugau e caluster:	Fondo messas fundadas	87'810.00	90'810.00
Monn-Monn Imelda			
Selva: Baselgia s. Gion e Paul	Facultad	3'113.81	4'483.10
Ugau e caluster:	Fondo messas fundadas	24'500.00	24'500.00
Monn Gion Giachen			
Tschamut: Caplutta s. Clau	Facultad	8'582.05	4'038.52
Ugau: Hendry Fidel			
S. Brida: Caplutta s. Brida	Facultad	10'931.87	10'695.30
Ugau: Venzin Mudest			
Giuv: Caplutta s. Bistgaun	Facultad	3'099.32	3'831.77
Ugau: Monn Gion Giachen			
Zarcuns: Capl. Nossadunna	Facultad	16'541.09	16'165.48
Ugau: Schmid-Manetsch Vigeli			
Camischolas: Caplutta s. Onna			
Ugau: Cavegn Venanzi	Facultad	9'883.36	3'855.42
Bugnei: Caplutta s. Giusep	Facultad	41'749.07	41'388.11
Ugau: Loretz Rosvita			
Cavorgia: Caplutta s. Leci	Facultad	8'470.96	3'566.34
Ugau: Cavegn Margrith			
Surrein: Caplutta s. Antoni	Facultad	45'494.35	44'910.37
Ugau: Loretz Jovita			

Rapport dils revisurs da quen

Per la radunonza generala dalla Pleiv da Tujetsch

Stimada suprastonza

Stimadas commembras, stimai commembers dalla Pleiv da Tujetsch

La revisiun dil quen 2020 ei vegnida fatga entras ils 2 revisurs en preschientscha dil cassier ils 3 d'avrel 2021. Tier nossa controlla havein nus inspectau il quen e la bilanza sco era ils quens dallas baselgias e capluttas.

Sco usitau ei il quen menaus, conform alla contabilitad moderna, schuber e bein. Tut ils mussaments ein avon maun e corrispundan allas cudischaziuns. Tier tut nossas damondas ha il cassier saviu porscher il sclariment giavischau.

Sin fundament da nossa controlla proponin nus alla radunonza generala:

- a) dad approbar il quen e la bilanza 2020 dalla Pleiv da Tujetsch
- b) da dar scarica al cassier ed a tuts funcziunaris dalla suprastonza
- c) d'admetter al cassier Simeon Cavegn in cordial Dieus paghi per siu grond engaschi.

Rueras/Sedrun, avrel 2021

Ils revisurs:

Linus Vincenz

Emil Soliva

Officials dalla Pleiv Tujetsch

Suprastonza dalla pleiv

President	Caduff Arthur, Sedrun
Actuar e vicepresident	Tuor David, Sedrun
Cassier	Cavegn Simeon, Sedrun
Ex. officio	sur Mathew Charthakuzhiyil

Secretariat

Loretz-Lutz Rosvita, Sedrun

Revisurs da quen

Vincenz Linus, Rueras
Soliva Emil, Sedrun

Suppleants

Monn Gion Giachen, Rueras
Venzin Mudest, Rueras

Calusters baselgias e capluttas

Tschamut	Hendry Fidel, Tschamut
Selva	vacant
s. Brida	Venzin Mudest, Rueras
Giuv	Monn Gion Giachen, Rueras
Rueras	Monn-Monn Imelda, Rueras
Zarcuns	Schmid Vigeli, Zarcuns
Camischolas	Cavegn Venanzi, Camischolas
Sedrun	Monn Sep Andriu e Marianna, Sedrun
Sontget dils Gadius	Decurtins-Monn Judith, Sedrun
Bugnei	Loretz Rosvita, Sedrun
Surrein	Loretz Jovita, Surrein
Cavorgia	Cavegn Margrith, Sedrun

Organists/As

Jacomet Jacinta, Mustér
Pöhl Marcel, Cavardiras
Simonet Claudio, Curaglia
Steinacher Erica, Mustér

Dirigents dils chors

baselgia Sedrun	Simonet Claudio, Curaglia
baselgia Rueras	Hendry Tarcisi, Sedrun
vicedirigent	Hendry Benedetg, Sedrun (CB Sedrun)

Cussegl pastoral

Presidenta(s)

Giossi-Caduff Lucia, Rueras

Monn-Monn Imelda, Rueras

Actuar

Munsch-Vincenz Marcus, Sedrun

Cassiera

Riedi-Berther Maria-Barla, Gionda

Assessura(s)

Caduff-Deplazes Arthur, Sedrun

Cavegn-Bisquolm Ursulina, Camischolas

Fryberg-Loretz Doris, Sedrun

Loretz-Lutz Rosvita, Sedrun

ex. officio

sur Mathew Charthakuzhiyil

Ductrina

Cavegn-Bisquolm Ursulina, Camischolas

Venzin Hubert, Rueras

Parter ora la s. communiun, lecturs/as, survetsch preeu- caristic e gruppia liturgica

Cavegn-Flury Margrith, Sedrun

Cavegn-Brugger Richard, Sedrun

Deplazes-Monn Ursula, Sedrun

Giossi-Caduff Lucia, Rueras

Monn-Monn Imelda, Rueras

Monn-Jacomet Marianna, Sedrun

Monn-Tomaschett Roswitha, Sedrun

Monn-Jacomèt Sep Andriu, Sedrun

Munsch-Vincenz Marcus, Sedrun

Soliva-Flepp Marcel, Sedrun

Sminca s. retgs

Monn-Schlosser Astrid, Camischolas